



Branch-in Cheng sing sarh chuang khawn

Chanmari West, February 12 : Kar liam ta mai khan Saiha khawpui chuan kangmei rapthlak tak mai a tuar a, rambuai hnuu in kang nasa ber te zinga mi a ni hial awm e. Hetianga chhiatna rapthlak an tawrh takah chuan CYMA chuan Branch hrang hrangte hnenah tanpui pawisa khawn turin a ngen a, tichuan branch hrang hrangte chuan thahnemngai takin an khawn ta a ni.

Branch YMA pawhin Ni 3.2.2012 zanah Pu Lalmalsawmate inah thutkhawm hmanhmawh neiin khawn dan tur a rel a, an rel angin Section hrang hrangten khawn nghalin, tanpuina pawisa hetiang hian hmuh a ni.

Vanapa - Rs.17,510.00,
 Chawngbawla - Rs.17,18.00,
 Taitesena - Rs.16,700.00,
 Khuangchera - Rs. 14,530.00 leh
 Neuva - Rs. 5825.00 a ni a, a vaiin
Rs. 71,745.00 a ni.

Central YMA hnuuia Disaster Management Committee secretary leh branch president Pu T Ngurkhuma chu chhiattawhna hmuna Central YMA palai feh chhuak zingah telin, chhiattawhna thlen dan a sawi dan

chuan in kang ral vek 29 niin, mimal luah 24 leh council in panga a ni a, in pasarih thiah niin a then kang panga a awm bawka, nasa vak lova kang 38 nen a vaiin in 79-in a tuar a ni.

Central YMA atanga Aizawl chhung branch tin hnenah tanpuina khawn tura a tih angin branch 86 leh group pakhatin an theh lut tawh a, sum an hmuh zawng zawng Rs nuai 30 chuang a ni tawh a ni.

Branch chuan tanpuina sum petu vengchhung mite chungah lawmthu a sawi a, section aiawha khawntu hruaitute hnenah lawm thu sawi bawkin, tanpui ngaite tanpuina tura sum tam tak khawn khawm a ni chu thil lawmawm takah a ngai.

Local Council inthlan turah candidate 16 an awm

Election Commission thupek angin February 23 khian Mizoram pumah village council leh local council member thlan thar tur a ni. Aizawl Municipal huam chhunga local council member thlang tur zinga Chanmari West telin, rorel lai Congress-in seat chuh kimin candidate pasarih an nei a, eptu party lian MNF leh a thawhpui MPC-in candidate pasarih nei bawkin ZNP-in seat hnih an chuh thung ang.

Candidate 16 zingah council member ni lai pakhat mah an awm lo va, 2009 inthlan hnuhnun ber khan Chanmari West-in member paruk thlang chhuakin, Congress pali bakah MNF leh PC pakhat ve ve an tling.

Tun tumah hian Congress atangin C Lalthazuala (chhinchhiaha -

Lehkhabu), 'V', H Lalthuama (Bawngpa), 'V', J Lalbiaktluanga (Beram), 'T', Lalthanruma (Sava), 'N', Ramfangzauva (Telephone), 'K', RL Thanhnuna (Pen), 'T' leh Vanlalsawma (Tuthlawh), 'CH' an ni.

MNF atangin C Lalmuanpuia (Selu), 'CH', F Zosanga (Thingkung), 'K', H Lalramhluna (Tarmit), 'T', H Vanlalvena (Ui), 'V', K Pahlira (Sangha), 'K' leh Lalliansangpuia (Thlawhtheihna), 'N' te niin MPC atangin Vanlalvuana (Arpa), 'N' a ding bawka.

Sangthuama Rawihte (Nihliap), 'CH' leh VL Lalthakima (Thingzai chem), 'T' chuan ZNP aiawhin an chuh a. Candidate 16 atanga vote hmu sang pasarih an tling dawn a ni.

PEM LEHKHA : "Pu Ngur, khawngaih takin in vengah ka rawn pem thei ang em?" tiin kan Branch President hnenah hian dil an awm tawh em. Anih loh leh 'Pu Thakim, in sectionah kan rawn awm dawn in phal em? tia dil an awm tawh ang em le. Hetiang han ngaihtuah hian Pem Lehkha neitu leh phuttu YMA te ai mah mah hian "In luah tur neitu" te hi an pawimawhin, an tangkai hial awm e.

In luah tur neitute kha in luah tur zawng ten an biak hmasak ber innih avangin **Pem Lehkha hi lo phut tlat ula**, tichuan khua leh tui tha chauhin kan vengah awm an tum phah dawn a ni.

Branch News

Chhim lama Branch harsa te tanpuina atana Sectionte bungrua thawh tur thehluh hun Ni 15.2.2012 thleng a ni a, thawh tur neite chuan Information Centre-ah dah tur a ni a, a list chu Branch Secretary hnenah thehluh tur a ni.

Kumin 2012 chhung atan Section hruaituten Chhiatni Fund an khawn meka, tlawmngai lo pe zel turin chhungtinte ngen a ni.

Sub Centre kawta turning point-ah motor dah phal a ni lo.

Kan Vice President Pu Valte-a chu Office thil buaipuiin Shillong-ah a zin a, dam taka a lo haw kan beisei.

Kumin chhunga section budget tur chu Rs.5000.00 a ni.

YMA AW chanchinbu lak dan: Neuva - 147, Taitesena - 235, Khuangchera - 201, Vanapa - 210 leh Chawngbawla - 200. A latute zawng zawng chungah lawmthu an sawi.

Chanmari Pastor Bial Hmeichhe inkhawmpui chu Chanmari West Kohhran-ah nghah a ni a, tuang taka khawmpui turin Branch Committee chuan duhsakna a hlan.

LUSUN KHAWHAR

Kan Branch YMA Member Tv Zodingliana Kum 36 S/o T. Zorampela 'V' Section chuan Ni 8.2.2012 khan min boral san a, a kalsan tak a chhungte Chanmari West Branch YMA chuan a tuarpui takzet a ni.

Ruangchhuak

Ni 7.2.2012 tlai khan Pu Lienkung Khobung Kum 87 chu damdawi Inah a boral a, a ruang hi a fapa Zohmingsanga Khobung C/o Pi Lalthanzami 'CH' Sectionte In atangin Manipur pan pui a ni.



TUNKAR CHANGVAWN

"Kei hi thawhleha leh nunna ka ni; tu pawh mi ring chuan nung reng ang."

Johana 11:27

Editorial Board

Editor

J.Lalnangliana
9862399658

Joint Editor :

Lalchhandama
9862358347

News Editor

Thangkhuma
9862303135

R. Lalringgheta
9862358337

Jacob Lalrinsanga
9612319779

Cir.Manager

Johny Lalthanpuia
9612359161

EVL. Hruaitluanga
9862655426

Production

Manager
R.Lalmachhuana
9436151817

Branch Office Bearer

President

T.Ngurkhuma
9436190843

Vice President

R.Lalmachhuana
9436151817

Secretary

RL.Thanhnuna
9436152760

Asst. Secretary

Zairemmawia
9862385654

Treasurer

C.Lalzarliana
9436142049

Fin.Secretary

K.Darthantluanga
9436196071

Advisers

Pu Lalbiakthanga
Khangte

Pu Rothuama

Pi Zamanthangi

Pu Lalrenguia
Sailo

2012 Thuvawn

**Iawmdan tur chu
LALPA chungah
nghat la; Amah
chu ring la, aman
a ti vek ang.**

Editorial :

Kan vengin YMA kaltlangin Saiha kangmei tuarte cheng sing sarih chuangin kan tanpui a, a lawmawm khawp mai. Ram pumah a ti tha pawl kan ni a, kan Branch President telna sub-Committee a lo ni lehzel bawk nen kan tih awm tak kan ti niin a lang.

Kan Branch YMA-in chhiatni inkaihhraina dan kan duang a, tha taw lo pawh a lo awm palh thei ang; amaherawhchu, kan dan hi kumin atan chuan kan hman tur a ni a, ennawn leh anih hma chuan, tha taka kan zawm tlan angai a, abik takin hruaitute phei chuan kan hriata, zawm tha tura kan zirtir zel pawh angai a ni.

Tun tum chu kan vengin ziaktu tlemte kan neih zing atangin Hmingthana a rawn che chhuak a, lawmawm khawp mai, kan ze thar tha tak hi kan vawn nun zel pawh a va tul em. Kan chanchinbu latu kum hmasa aiin kan pun belh a, a lawmawm hle a ni.

Article :

KAN VENG ZE THAR

Hmingthana V Sect

Central YMA President kal chhuak ta Pu Lalchungnunga'n Kum 2012 chhunga kan Branch hruaitu tur thlan zanah "Veng hrang hrang thiltihna hrang hrang hian ka kal tam tawh hle a, in veng aia YMA kalkhawm Discipline tha hi ka la hmu ngai lo" a ti a, mi hlim chu ni ila Hallelui lo pek thawt na chi a ni. He thu hi vawi 1 mai ni lo vawi 2 Programme tan tir mai ni lo, ban dawnah ala sawi nawn leh thei ngat a ni. Ka rilru alo lawm ve veng veng mai a, mahni ngaihndan tlang taka sawi mi, zahpah leh mi mitmei veng miah lo, mahni ngaihndan a thling baw hawk a sawi thin mihring, mi dik ni a inchhal ngam, dik ni a a hriatah chuan tu pawl mah sawi hlau lo, Pu Chunga ka atanga chhuak ani kher kha a lawmawmin in fak derna a ni lo tih a Chiang a ni. Banah khan fiamthu ti takin, "Ka Pu he thu hi Veng danga i kalnaah sawi chhuak thin teh", ka ti ang ka tih rilruk laiin kan Leader in thil dangah mi lo be buai chhen a ka lo mangnghil a, ka hrilh hman ta lo a ni. He thu hi reh hlen zui mai tur chuan a uihawm em avang leh kan nungchang mawi tak kan chhawm nun zui zelna kawng a min kaihruaitu anih beisein ka han tuihnih lawk a ni.

He a thusawi tawi te mai hian 'kan veng ze thar' hmanni lawk atanga ka lo hmuh, tha leh mawi ka lo tih ruk ve em em, mi'n engangin nge an hmuh ve ka lo tih ruk mai mai chu, veng dang mi Pu Chunga'n ka hmuh dan min rawn tawmpui vein ka lo thlir dan a dik chiah tih a rawn tilang Chiang hlein ka hria. Kan Veng Thalai ten, kan veng kan chawimawiin "Award" ropui tak, a aia ropui thlan tur awm chuang lo kan inpe reng alo ni. Hemi zan mai ni lo ahma lawka veng pum huap a YMA in Carol kan neih zan, mi veng rawn tel ve lohnaah pawh khan he ze thar hi a lang Chiang viauin ka hria, khati zat thalai leh nu leh pa kalkhawmah khan tlem a zu kam nam deuh pawh awm nual mah ila (ka nam ve miah lo ania) khawsa mawi lo deuh leh che mawl fal deuh pakhat mah ka hmu lo kha a mak ka ti, a tawp kan kharna Pasaltha Neuva In kawtah te khan nawr luih ni miah lo 'Discipline' kan nei. Kan Section kan inthlan zante thleng pawhin he discipline hi a awm tho. Chanmari West thalaite hian mi zinga awmdan mawi Manner and Etiquette kan lo hre Chiang ve tawh khawp mai. Kan nungchang /ze mawi tak khan kan Veng thalaite kan in chawimawiin kan veng kan chawimawi tel

bawk a ni. Kan veng hi automatic-in veng nuamah kan siam nghal a ni. Sap thufingin, 'The crown and glory of life is character' a tih angin kan mimal nungchang theuh kha kan veng chawimawitu leh ti hmimgawitu alo ni daih a ni...

Kan vengah YMA in Section tha tak 5 bakah Kohhran pawl hrang hrang ten Thalai pawl KTP,TKP, SAY, PYD etc. te kan nei a, hengte hian mahni Kohhran theuhah kawng hrang hranga rawngbawlana an neihna kawngah awmze mumal tak neiin an inkaihruai theuh a, heng bakah NGO leh NGO lo pawl hrang hrangte tum mumal tak neiin an ding fer fur bawk a, hengho mumal taka inkaihhraina atang hian tu veng mah entawn ni chuangloin pawl lian ber leh huapzo YMA a kan han awmkhawmin kan invawna / inthunna alo lang chhuak niin ka hmu. Kan hruaitute zir vang nge ni Mitthi in/ khawhar in a kan thalai kal khawm nungchang te hi a mawi ngawtin ka hria, Pathian Biakin a kan inkhawm ang tlukin kan khawhar in lengkhawm nungchang te hi a mawi ka ti, kum reilote hmun danga ka awm chhungin engtin nge kan hruaitute hian kan thalaite an lo zirtir thin te ka ti rilru. Nungchang mawi lo deuhte pawh lo awm zeuh zeuh mah se kan Veng thalai kal khawm zingah chuan a inthlathung lo thei tawh lo, kan veng zia a ni tawh tlat lo. Lehkha thiam tih ringawt lam a ni lo, lehkha thiam sang ve ur si discipline nei lo, manner hre baw si lo mihring chu a Education-ah a fail thak a ni. Lehkha thiam leh thiam lem lo mi hmantlak tak tak Thalai kan tam hi kan veng inkaihhraina that vang hi a ni tih ka Chiang. Kan veng inkaihhraina hi awmdan mawi zirna Institution ropui tak alo ni reng a ni. Knowledge (thiamna/hriatna) hi Sap thufingin Power a ti a, Nungchang hi mahni tawkah Power a ni thei ka ti ve tlat a ni. Chanmari West Thalaite nungchang mawi taka kan nun a, aia Upate zah thiam (aia naupang zah thiam pawh a tul) taka kan khawsak a, tihawm leh tihawm loh kan thliar thiam a, manner mawi taka kan khawsak zel chuan kan Veng hi veng Hausa leh mi Hausa mi thiam tamna ni lo mahse, Veng changkang leh nuam alo ni zel dawn a ni. Sap thufing bawkin 'The great hope of society is individual character' a tih angin punkhawmna mai ni lo, khawi hmuna kan awm pawhin kan mimal nun theuh hi kan veng ti nuamtu leh kan veng nghahfak a ni. Chanmari West dam reng rawh se.

<http://ymaaw.blogspot.com>

Email: cwbymaaw@gmail.com

CHAWNGBAWLA

Thatni bika bungraw hawh hun : zing dar 6-9, tlai dar 4-6, bungraw kawltu Tv R Lalfakzuala hriattir tur.

Committee member Pu Lalrawngbawla'n a pa a sun avangin ral tur a ni a, vawiin tlai dar thumah kim takin hruaitute kalkhawm tur a ni. Kuang siam thingpui leh a hmeh petu Pu R Thansangate chhung chungah leh RH Furniture workshop neitu Pu K Lalthakima chungah lawmthu an sawi.

Committee member NI Ellen Lalrintluangi'n vanduaina tawka a ke ruh a titliak chu a dam leh thuai an duhsak hle. Pu PC Lalmalsawma'n fapa a nei thara an lawmpui hle bawk.

Vehbur khawna sum petute zawng zawng chungah lawmthu an sawi.

Chhياتni fund leh YMA AW man khawn mek a ni a, chhungtin ten ngai pawimawha khawntute awlsam zawk nan lo pe nghal zel turin an ngen.

KHUANGCHERA

Ni 4.2.2012 (inrinni) khan section sumtuak nan vawk ser a ni a. Tlawmngaia leisaktu zawng zawngte chungah leh Hruaitu zingkar atanga hnatlana thawkchhuak te, tlawmngaih chhuaha sah sak tu Pu F. Zohmingthanga (Zote-a) chungah leh phal taka in hlawhna siamsaktu Pi Zohmingthangite chhungkaw chungah lawmthu an sawi tak zet zet.

Section property incharge atan Pu Lalliansanga leh NI Zoramthari te ruat anni a, bungraw hawh tur ten an ni hnenah hian ziaka dil thin tur a ni.

Bial tina tlawmngaia mithi buhfai khawn tura ruatte :

- 1 - Lallawmzuali, Vanlalhlui & Vanlalruati
- 2 - Lalkroskawii, Laltlanhlui & Lalrinhlui
- 3 - Lalrinkimi, Lallianmawii & Lallianzami
- 4 - Zonunpuii, Lalruatmawii & Kanan Ramchulloi
- 5 - Fatima Vanlalnghaki, Lalmalsawmi & Zoremsangi (Ote-i)

Bial tina tlawmngaia YMAAW sem tura ruatte:

- 1 - Vanlaltluanga & Lalmuanawma
- 2 - Laltharmawia & Lalkroschhunga
- 3 - Mark Zomuanpuia & Lalremruata
- 4 - Zothanzama & Lawmsangpuia
- 5 - Lalhmuchhuaka & Lalchhandama

YMA Chhang incharge atan Tv Zion Lalramluaha leh NI Irene Lalhmimgmawii te ruat an ni.

YMA Member lak leh Census tifel

vek turin bial vawngtu te an inhriattir a. Secretary / Leader hnenah Dt 20.2.2012 ralhma a thehltur hman vek turin an inngen.

Chhياتni fund khawn mek a ni a, chhungtinte lo ngai pawimawh hram turin an inngen.

Karleh hun remchang hmasaah committee meeting neih tum a ni a, member-te inbuatsaih turin an hriattir.

TAITESENA

An Section chhunga Saiha kang tanpuina an khawn chu Rs 16,700 niin thawhtu te chung ah lawmthu an sawi. Chhياتni fund Rs 17300 theh luh tawh niin hruaitute mahni bial arang lama tifel thuai turin an inhriattir.

YMA chanchinbu la duh tur hruaitu ten mahni bial theuhah zawng turin an inhriattir.

Census leh YMA member ni 19.2.2012 (Sunday) ral hmian Secretary hnenah theh lut tur a ni.

Faina kawngah chhungtinte tan la thar turin an inngen.

Tlawmngaia bial hrang hranga mithi buhfai khawn tura ruatte :

- 1- Lalthanzuali & Eden Lalremtluangi
- 2- R Lalmalsawmtluangi & R. Lalinpuii
- 3- C Lalhriatkimi & Lalngaihawmi
- 4- Lalruatkimi & Lalhmimglhui
- 5- Ngurthantluangi & Lalparmawii
- 6- B Lalrintluangi & Zohmingliani
- 7- Ngurdinpuii & Lalrinmawii
- 8- Lalthanzami & VL Hriatpuii
- 9- K Lalhriatpuii & Lalruatdiki
- 10- Lallawmawmi & Lallianmawii

YMA AW sem tura ruatte:

- Bial - 1 : Lalmuansanga
 Bial - 2 : Jeremy Lalruatfela
 Bial - 3 : B. Laltlanfeli
 Bial - 4 : Zoramawia
 Bial - 5 : Jason Lalhruaitluanga
 Bial - 6 : Lalawmpuia

- Bial - 7 : Lalkrosmawia
 Bial - 8 : Lalrosanga
 Bial - 9 : Amigo Lalhmimglhua
 Bial - 10 : Vanlalhruaia

VANAPA

Vawiin dar tlai dar 3 hian Chhياتni Buhfai khawntu leh YMAAw semtu tur a ruat thar zawng zawngte Treasurer, Pu T.Sangkuma (SKA) inah kalkhawm tur a ni. Hruaituten category list leh pawisa khawn tawh khien khawm nghal tur a ni. Inrinni khan Thela Garage sak leh Property en fel hnatlang hruaitu ten an nei a, Garage bang tur Rangva tha lai pheh 5 chuang Pi Laituami ten an pe a an lawm takzet a ni.

YMA chhang incharge atan Tv David Vanlalpeka leh NI H.Lalbiaknungi ruat an ni.

Property sub committee ten Section chhung information mike an rawn siam sak a, Property sub committee chungah an lawm takzet a ni.

Saiha kangmei tuar tanpuina section chungah khawn ani a tanpuina phal taka lo pe tute zawng zawng chungah Section in lawmthu a sawi takzet a ni.

Pu Hmingthanzauva leh Tv. R.Lalremruata te chu Section Committee member atan an ruat thar.

An member Tv.Zodinglian'n a boral san chu an uuin, a chhungte an tawrhpu hle.

NEUVA

Saiha kang tanpui nan Section chhung atangin Rs 5,825 khawn a ni a, tanpuina thawhtu zawng zawngte chungah lawmthu an sawi takzet.

YMA AW man leh chhياتni Fund khawn mek a ni a, chhungtinte lo ngai pawimawh hram turin an inngen a, tin, bial neitu ten arang lama tifel thuai turin an inhriattir.

YMA member lak laia awm lote hruaitute hnenah inpek theih reng a ni.

Chanmari West BPL tan Training theihte

Kum 2012 Aizawl City Project, SJSRY hnuiaia training chu ni 1st March 2012 atang a tan tura ruahman a ni a, training tur hian BPL members anni tur a ni a, BPL List a Family No te chiang taka ziakin Secy Pu R. Zoliana hnenah hian Dt 17.2.2012 hmian thehltur a ni e. Training theihte a hnuiaia tarlan ang hi a ni.

SI No	Trade Hming	No	Training rei zawng	Qualification
1	Tailoring (mipa & hmeichhia)	4	Thla ruk chhung	-
2	Handloom	2	Thla ruk chhung	-
3	Computer Hardware	1	Thla ruk chhung	Thla ruk tal Computer training tawh ni se
4	Mobile Handset siam	1	Thla thum chhung	-
5	Motor khalh	1	Thla hnih chhung	-

YMA AW hi vengchhung chanchin thar hriatna hnar pawimawh tak a ni.

RED RIBBON FOOTBALL

🦋 Vawiin tlai dar 2:30 hian Football Players Red Ribbon khel tura hriattir zawng zawngte thu pawimawh tak ngaihtuah tur a awm avangin Tv.Zairemmawia Neuva Section te inah kim taka kal khawm tur a ni a, chhiattawhna leh pawimawh tawp khawk thil anih loh chuan phat awih a ni lo.

🦋 Local Council Footaball Team tana thil pek petu mi 11-te:

Pu Lalzirliana 'T'	- Rs.1000
Pu C Thanchungnunga'V'	- Rs.1000
Pu T Lalremruata 'V'	- Rs.1000
Pu JH Lalzarmawia'CH'	- Rs.1000
Pu Lalhmingliana 'T'	- Rs.500
LS Bakery 'N'	- Rs.500
Pu Vanlalhuma 'CH'	- Rs.500
Pu S Lalsangliana 'N'	- Rs.300
Christy Drugs Store'CH'	- Rs.300
Pu H Lalramhluna 'T'	- Rs.200
Pu K Lalremruata 'T'	- Rs.200

CVTTP News

Ni 14.2.2012 (thawhle) zan hian executive committee koh tum a ni a, kim taka an kal theih nan hruaitute inring lawk turin an inhriattir.

KEIMAHNI

🦋 Zofa Cultural Club leh Thlanmual Sub- Commiittee Chairman Pu Thanseia ten thingpui leh a hmeh man tur minrawn tum sak avangin kan lawm hle.

🦋 YMA AW chhutnaah Editorial Board kan la kal kim zel a, nuam pawh kan ti tlang hle. Kan Branch OB Pu Hnuna leh Tv Zaitea'n min tawiawm avangin kan lawm e.

🦋 Kuminah hian YMA AW semtute hnenah lawmman pek tum a ni.

🦋 Pu Chda'n a laptop a rawn ken thin avangin lawmawm kan ti hle.

Property Comt hnatlang

Property Sub-Committee-ten meeting an neih hmian nileng hnatlang vawi hnih bakah tuk thum an thawk chhuak tawh a, section tinin mahni huam chhunga aurinna tha lote a rang thei ang bera hruaitute hnena hriattir tur a ni.

Thingzai duh tan

Thingzai chi hrang hrang tlawm takin kan zuar e, a trip-a duh tan pawh englai pawhin kan pe thei reng e, min han dawr ve teh.

Rinawmi
W/o Thanrehlova
9862885920

Inthlan chungchanga MPF thuchhuah

MPF leh Political party hrang hrang aiawhten thawhhona thuthlung an siam a, heng a hnuaia tarlante hi candidate te, party tin leh mipuiten inthlanna fel fai tak a awm theih nan zawm hram tur a ni.

1. Sum leh therhlo hmanga vote lei leh hralh hi tih loh ni se.

2. Ruaitheh leh picnic tih loh ni se.

3. Mipui, pawl leh Kohhranten political party te leh candidate-te hnenah thilphut neih loh tur a ni.

4. Inthlanni-ah candidate leh party tumah in boruak siam nan zu leh ruihtheih thil dang an chelek tur a ni lo.

5. Mimal chungchanga thudik ziktluak lo leh dawt hmanga inbeih loh tur a ni.

6. Inthlanni-ah vantlang thingpui lum loh tur a ni a, Polling booth area huam chhung leh bulhnaiah tumah in thil zawrh loh tur a ni.

7. Polling booth area bul hnaiah electoral roll en leh number pekchhuah hi election model code of conduct in a sawi angin political party ten a malin an buaipui tur a ni lova. MPF kaihhruaina in fimkhour taka buaipui tur a ni ang.

8. Model code of conduct in a sawi angin Candidate pakhatin banner pakhat leh a symbol 4 aia tam Local Council area chhungah tar loh ni se.

9. Model Code of Conduct in a sawi angin Vote thlak tur te chauh lo chu tumah, Municipal Election Officer phalna lo chuan Polling booth ah an lut tur ni lo.

KIDS CARE (House of Children) PRE-SCHOOL, DAY CARE & TUTORIAL CLASSES

Naupang enkawl na tha, Montessori School of Education atang ngeia training chhuakin an enkawl tur, KIDS CARE (House of children), Saron Veng, Pu Chhuanawma Building (Police RUN bul/Nursing College Opposite) ah buatsaih mek a ni. February 2012 ah Class tan tur a ni. Kum 2 leh achane chin Admission duh tan a ngaihen theih e. Medical check-up neih thin a ni ang. Naupang pick leh drop kan ti thei e. Pre-School bakah hian nauawmna (DAY CARE) buatsaih a ni. Hei bakah hian tlai lam-ah Class I-VII tan home assignment/tuition classes mumal tak a awm baw ang.

(3-3) 9612248240 / 9671272588

HETIAH HIAN SMS LA

>>9862358337<<

🦋 Local Council kan thlan turah hian Party zawnga en lovin khawtlang thatna tur duh mi ngei thlanchhuah hram i tum tlang ang u

96151---53

🦋 Y.M.A. hminga vengchhunga Vehbur khawn tur a awm chang hian Branch OB-te hian Section hruaitute hi khawnpui thin ta se a va tha awm ve. Section tinah OB incharge an inruat baw a, an bial (section incharge-na) an fan ve pahte pawh a ni ang a.

96126---78

🦋 Red Ribbon Football khel theihna turin Local Council kaihhruainain hmalak a ni a, chutih laiin player-te practise tha peih lo han hriat hian ngaihtuahna a tithuini player-te in enlet a ngai khawp mai.

98623---54

🦋 Branch OB leh Section OB te sawisel peih deuh deuh thei hi YMA-ah chuan a junior zia khawp mai. Sim hmak a tha khawp mai.

97749---09

🦋 Khawhar Inah hian hla hi nawn ngei ngei ta lo ila, hla hrang hrang kan sa tam hman deuh lo maw? Hla sak thiam kan nei tlem kan ti tho si a.

98623---54

(SMS kan dawn te hi Ed. Bd ngaihdan a ni vek kher lo)

ZOFA NEWS

🦋 Ni 8.2.2012 (Nilaini zan) khan meeting an nei a, kumin chhung atana Club hmalakna tur hrang hrang an rel.

🦋 Kum 2012 chhung atan member lak mek a ni a, a duh apiang tan Rs 10/- pein a hnuaia mite hnenah hian member a nih theih e.

CH - Tv Lalmalsawma &

NI C. Lalmuanpuii

K - NI Biakhlimpuii &

NI Zosangzuali

N - NI Zonunmawii &

NI H. Lalhminghlui

T - Tv Vanlalhriata & Pu V. Lalrinpuia

V - Pu Zonunmawia &

Pu Francis Lalrindika (Sena)

🦋 All India Radio (Aizawl Station) a hla record turin an inbuatsaih mek a, Ni 14.2.2012 (thawhle) zan dar 7:00-ah Pu Nundanga inah hla zir tur a ni a, member leh hruaitu zawng zawng kal vek turin an inhriattir.

🦋 Music Video leh Documentary Film changtlung tak siam turin hmalak mek a ni a, member te a tul dan ang zela Club tana thawkchhuak thei turin an inchah.

🦋 Club bungruate dah nana phal taka Library hmantirtu CVTTP hnenah lawmthu an sawi.